

Cartas nordic

Instruction pro uso in le inseniamento de interlingua

Le Cartas nordic es un serie de photos de locationes in le paisas nordic, presentate con un breve texto informative. Le paisas nordic es Danmark, Norvegia, Svedia, Finlandia e Islanda.

Le serie comenciava in le magazin nordic de interlingua, “Actualitates – Interlingua i Norden” (ISSN 1395-2455) in januario-martio 2009. In cata edition es presentate duo cartas.

Le Cartas nordic totevia anque pote esser usate in le inseniamento de interlingua, proque il ha un illustration captivante e un breve texto. Pro isto le Cartas nordic es publicate in un nove layout e con le photos in colores (le original in Actualitates es blanc-nigre).

Le photos e le informationes invita a un parve conversation super le locos interessante. Forsan alguno ha visitate le mesme locos? O forsan illes ha visitate altere locos simile a illo sur le photo? On pote describer le photos, parlar del colores de cosas sur le photos, discuter le saisons differente, etc.

Le professor pote provider al alumnos un breve vocabulario con le parolas minus frequente pro facilitar le comprehension e conversation.

On pote anque demandar le alumnos elaborar cinque breve questiones a cata carta, eventualmente pro lassar un altere gruppo de alumnos responder los. (Pro inspirar, cata carta es presentate ci con cinque questiones. On non besonia dar iste questiones al alumnos.)